



Public Service

2015

pillugu nassuiaatit



Imai	
Siulequt	4
TV-kkut aallakaatitassiorfik.....	5
Nerissassinermik aqqissuussisoqarfik	5
Sinerissamit aallakaatitassiat aalajangersimasut	6
TV-mi meeqqat inuusuttullu	7
Tamassa	8
PIGGAPPAAT	9
Tallimangorneq Unnuppaat Man.....	11
Timersornermik aallakaatitsinerit.....	12
KNR-ikkut katersuiniarnerit	12
Kunngikkormiunik malinnaaneq	13
TV-kkut ilinniartitsineq.....	13
Avataanit aallakaatitassiorunit pisiortornerit	13
KNR2.....	13
Radiokkut Aqqissuussisoqarfik.....	14
Aqqissuisut aalajangersimasut.....	14
Kulturimik aallakaatitassiat.....	14
Nunaga Inuilu	15
Asaanerani radio	16
Qinersineq innuttaasunillu qaammarsaaneq	16
Nipilersukkanut ilusililineq nutaaq	16
Aperiinnariarit aallakaatinneqartarunnaarpoq	17
KNR Radiumi juulli.....	17
Sinerissami tusaataatinik suleqateqarneq nukittunerusoq.....	18
KNR Voice.....	18

KNR Radio mobilikkut	19
Nutaarsiassalerivik	20
Radioaviisi	20
Qanoroq	20
Knr.gl	22
Oqallinnerit	22
KNR-ip onlinekkut saqqumiffii – Web, Mobil aamma TTV	24
KNRip nittartagaa – KNR.gl	24
Mobilinut naleqqussaaneq	25
Live streams (internettikkut toqqaannartut) aamma video on demand	27
KNR TTV (tekst-tv)	30
KNR SMS 1717	30
KNR.gl-imi kiffartuussinerit allarpassuit	30
Public Service-mik isumaqatigiissutip nanginnera	31
Ilanngussat	32

Siulequt

Kalaallit Nunaata Radioa - Greenlandic Broadcasting Corporation, tassaavoq nuna tamakkerlugu radiukkut TV-kkullu aallakaatitsivik pisortanit aningaasalersorneqartoq. KNR tassaavoq tamanik sullissiviusoq namminersortoq 1958-imi pilersinneqartoq, pisussaavorlu radiukkut TV-kkullu aqqissuussaani aallakaatitsissalluni tassaasussanik nutaarsiassat, qaammarsaaneq, aliikkusersuineq, eqqumiitsuliorneq kulturilu.

Nunami inuiaqatigiit tamat oqartussaaffigisaat tunngavilersorniarlugu, nutaarsiassanik, qaammarsaanermik, ilinniartitsinermik, eqqumiitsuliornermik aliikkusersuinermillu aqqissuussanik siammasissunik inuiaqatigiit kalaallit qulakkeerfiginiarlugit KNR tamanik sullissinermik suliaqartutut pisariaqartuuvoq. Tamat oqarsinnaatitaanerisa, tunngavilersuineq kinaassusersiunnginnerlu KNR-ip aalajangiisumik pingaartissagai, inuiaqatigiit piunasaqaatigisinnaavaat.

Inuiaqatigiit pillugit paasissutissat oqallinnerillu pingaarutillit, kalaallit oqaasii aammalu kalaallit kulturiat immikkut pingaartillugit innuttaasut periarfissaqartinnissaat qulakkiissaallugu KNR-ip kissaatigaa. Inuiaqatigiit kalaallit kulturimik soqutigisaasa amerlassusiinut naleqquttumik eqqumiitsuliornermik kulturimillu siammasissunik aqqissuussisarnissaq KNR-ip aammattaq kissaatigaa.

Tusarnaartartut isiginnaartartullu qaammataasiat aammalu Internet aqqutigalugit radiukkut TV-kkullu aallakaatitassiorfinnut amerliartortuinnartunut neqeroorfigineqarnerinik tusagassiisarfii silarsuaat ukiuni aggersuni sunnerneqaraluttuinnassaaq. Radio aamma TV on demand ('piumaffigalugu') amerlasuunut siunissaavoq; inuusuttut inuusunnerusullu piunalleraangamik aammalu ulluinnarni ulapiffiusuni suliasarpassualinni naleqquttuutillugu radiumik tusarnaarusuttassapput TV-kkullu isiginnaarlutik.

Periusissiaq "KNR-Puialasoq" tunaartarlugu KNR 2015-imi suliaqarpoq, tassani radiup, TV-p aammalu internetikkut saqqummersittakkat iluini najoqqutassat nutaat nutaaliorfiginissaat pilersinnissaallu salliutinneqarlutik. Nutaarsiassat aammalu akerleriit oqallitsinnerisa kiisalu aliikkusersuinerit iluini nutarsaaneq pitsanngorsaanerlu KNR-ip taamatuttaaq salliutippai.

Iliuusissat suliniutissallu nutaat pingaarnersiorlugit nassuiaatini ukunani allattorpavut.

Nassuiaatinik ukuninnga atuartup, kinaagaluaruniluunniit, 2015-imi suliat itinerusumik misissornissaannut KNR atassuteqarfigissallugu tamatigut tikilluaqqusaassaaq.

Atuarluakutsoorina.

Inussiarnersumik ilassinilluta.

KNR

TV-kkut aallakaatitassiorfik

Ukioq 2015 tassaavoq kalaallit oqaasii atorlugit kulturimik aliikkusersuutinillu kiisalu timersornermik aammalu meeqqanut inuusuttunullu nammineerluni aallakaatitassiornerit TV-kkut aallakaatitassiorfiup kingumut qitiutitsiffigisaa. Aalajangersimasumik aallakaatitakkat soorlu 'Nunatsinni', 'Tamassa', timersortunik aallakaatitat, 'Tusartaat', 'Piggappaat', Tallimangorneq Unnuppaat Man' allallu TV-kkut Aallakaatitassiorfiup pilersippai. Aammattaaq nerisasserinermik aaqqissuussisoqarfik TV-kkut Aallakaatitassiorfiup pilersippaa ilutigitillugulu tunisassioritunit avataaneersunit sinerissamilu TV-qarfinit pisiortorneq annertusillugu, ilaatigut aallakaateqqittaqaataagaq nutaarluinnaq 'Sinerissamiit' sinerissamit tamarmiusumit. Meeqqanut juullimut ammartagaq nutaarluinnaq KNR-ip taamatuttaaq salliutillugu aningaasaliiffigaa.

Nerisasserinermik aaqqissuussisoqarfik

Peqqinnissamik inuussutissanillu immikkut ilisimasalippassuit 'nunatta nammineq pisuussutaanik nerisaqarnerunissaq' kajumissaarutigaa. Taamatut siunnersuilluni aallakaatitsisup Henriette Rasmussenip sinerissami igasut assigiinngitsut tikeraarpai sumiiffimmini nerisassatsialannik igatillugit. Upernaap ingerlanerani Ilulissanit, Sisimiunit, Nuummit Qaqortumiillu TV-kkut aallakaatitassiaq 'Takanna' aallakaatinneqarpoq.



Aallakaatitsisoq Henriette Rasmussen igasorlu Jess Petersen aallakaatitassiami 'Takanna'-mi.

Henriette Rasmussen illoqarfinni pineqartuni igasunit assigiinngitsunit igganneqarpoq. Iganermi najoqqutassat KNR-ip nittartagaani www.knr.gl-imi kingorna nassaarineqarsinnaasarpur.

Sinerissamit aallakaatitassiat aalajangersimasut

Sinerissamit aallakaatitassiat allarpassuit KNR-ip aamma aallakaatippai. Aalajangersimasumik aallakaatittagaq 'Nunatsinnit' nunatsinni aallakaatitsivinnit assigiinngitsuit aqqaneq-marlunnit ukiumut katillugit aallakaatitanik 180-inik pilersorneqarpoq. Illoqarfinni TV-qarfinnit assigiinngitsunik qulequtaqartillugit, sumiiffinni inuiaqatigiit imminnut qaninnerulersillugit aallakaatitassiaapput. Eqqumiitsuliorneq kulturilerinerlu, peqatigiiffinni sulineq, innuttaasunik ilisaritsitsineq, sumiiffigisami inuussutissarsiorneq, timersorneq imaluunniit pinngortitaq avatangiisillu isiginnaartartut aallakaatitassianit misigisaqarfigisinnaavaat

Aalajangersimasumik aallakaatitassiaq nutaaq, 'Sinerissamiit' 2015-imi ukiakkut aallakaatinneqartalerpoq, tassani Ilulissat, Sisimiut, Nuuk aamma Qaqortoq periarfissinneqarlutik sinerissamit nutaarsiasanik aallakaatitsisarnissamik.

Sinerissamit aallakaatitassiornissamut periuseq nutaaq KNR-ip aamma isumassarsiaraa – tassa TV-kkut radiukkullu aallakaatitassiornissamut angallattagaq. Angallattagaq KANUKOKA

suleqatigalugu aningaasaliiffigineqarpoq, angallattagarlu Nanortallip pigisaani Aappilattumut Qassiarsumullu nassiunneqarnikuulluni. Atuarfinni atuartut angajullit suleqatigalugit nunaqarfiit pillugit amerlanerusunik aallakaatitassiornissaq angallattakkamik siunertarineqarpoq.

TV-mi meeqqat inuusuttullu

KNR-ip inuusuttunut aaqqissuussivia 'Tusartaat' 2015-imi ingerlaqqippoq. Taamaattoq aaqqissuussivik siuarsarneqarpoq, marlunnik aallakaatitsisoqalersillugu, tassaasut Tunuminngaanit Carsten "Youngman" Christensen Kujataamiulu Hans Peter Bay, taakkulu sumiorpalussutsitik oqaaseralugit aallakaatitsisarput.

'Tusartaat'-mik aallakaatitassiat qulequttanik tusagassianillu assigiinngitsunik imaqartarput, tassani quiassuineq ataavartuulluni. Aallakaatitassiani isigisassatut avatangiiserisat aamma siuarsarneqarput, aallakaatitsivik 80-ikkornisanngorlugu aallakaatitsisut namminneerlutik sanammassuk. Facebook.com/Tusartaat aqutigalugu isiginnaartartut assinik, ilassinnissutininik ileqqulersuutinillu kissaatigisanik nassiussisinnaaneq periarfissaraat.



Inuusuttunut aallakaatitassiami 'Tusartaat'-mi aallakaatitsivimmiittut Hans Peter Bay (sa) aammalu Carsten "Youngman" Christensen (ta)

Decembarip qaammataani TV-kkut ammartagaq nutaaq 'Adadakodantip juullimut erinaatai' meeqqanut minnerusunut KNR-ip aallakaatippaa. Ammartagaq erinarsortartup Randi Brobergip aallakaatitassiaraa, ullullu tamaasa ammartagaq tusaamasanngorlaamik nutaamik pulaarteqartarpoq. Meeqqat nipilersuutinik ammaanissaminnut qilanaarutissaqarput, tassani ammagassani 24-ni erinarsuutit juullerpaluttut nutaat ammarneqarsinnaasarlutik.



Tv—kkut ammartagaq 'Adadakodantip juullimut erinaatai' – Adadakondas julesange.

Tamassa

KNR-ip unnukkut isiginnaagassiaa nuannarineqarluartoq 'Tamassa' illoqarfiit pingaarnersaasa avataanit aallakaatitassiorarneq tapersorsorniarlugu ilutigitillugulu sumiiffinni aallakaatitassiorarneq tapersorsorniarlugit Sisimiut TV-anit aallakaatitassiaavoq. 'Tamassa' kulturip illorsuanit Taseralimmit aallakaatinneqartarpoq tassaniilunniit Jonna Lynge aallakaatitsivimmiittutut kingumut tulluartaavoq.

Aallakaatitassiat nutaat inissaqartinniarlugit TV-kkut Aallakaatitassiorfiup 'Tamassa' Nunatta tamakkerluni ukiuni tallimani unnukkut isiginnaartareeraalu aallakaatitarrunnaassallugu toqqarpaa.



'Tamassa' Sisimiuni kulturip illorsuanit Taserallimmit.

PIGGAPPAAT

Aallakaatitassiaq aamma quiasugaasiaasoq nuannarineqarluartoq alla 2015-imi KNR-ikkut aallakaatinneqartarpoq. Tassaasoq Hans Jukku Noahsen nammineq nipilersortartoqartog inuttaralugu 'Piggappaat'. Tassani inuit ilisarisisimaneqartut soqutiginaatillilu pulaartorineqartarput, aallakaatitsinerme ilaatigut pinnguaatit erinarsornerlu

misigineqarsinnaallutik.



Aallakaatitassiaq 'PIGGAPPAAT' aamma 2015-imi KNR-imi nuannarineqarluartuuvoq.

'Piggappaat' isiginnaartartunut inersimasunut aliikkutassiatut quiassuineq 2014-imitulli ilisarnaatigaa. Pulaartut "ikkatalaarnissartik" sapissanngilaat apeqqarissarinerillu ullutsinni pisut pulaartullu tunuliaqutaa aallaavigisarlugit. Unneqqarissuuneq quiassuinerlu Hans Jukku Noahsenip oqimaaqatigiisinniartarpai.

Illoqarfinnit Aasiannit, Ilulissanit Sisimiuniillu immiussanik 'Piggappaat' immikkullarissunik aallakaatitaqarpoq. Aallakaatitassiortut aamma Danmarkimiipput, tassani illoqarfinni Odensemi, Aarhusimi Aalborgimilu immiussanik aallakaatitassiorlutik. Aaqqissuisut 'Piggappaat Deluxe'-mik ukioq naggaserpaat, Nuummi Katuamit aallakaatitsillutik.



Aliikkusersuusiami 'PIGGAPPAAT"-mi Katuamit aamma 'PIGGAPPAAT Deluxe' aallakaatinneqarpoq.

Tallimangorneq Unnuppaat Man

KNR-ip toqqaannartumik aliikkusersuusaa 'Tallimangorneq Unnuppaat Man' 2015-imi aamma ingerlateqqinneqarpoq. Aallakaatitassiaq siornatulli nammineerluni videolianik, ilanngutassianik nipilersortartunillu pulaartitanik aqqissugaavoq. Aallakaatitassiaq Nuummi NUIF-imit (Kommuneqarfik Sermersuup inuusuttunik suliniuteqarfianit NUIF-imit – Inuusuttut siumukartut) aallakaatinneqarpoq. Nammineerluni videuliat quianartut, ineqartut aliikkutaasinnaasullu isiginnaartartut nassiussinnaavaat, taakkulu sapaatip akunnerani videullammattut SMS-ikkut taasissutigineqartarlutik. Sapaatip akunnerani videoliullammattut taaneqartoq naggasiutigalugu aallakaatitassamut ingerlaqqittarpoq, tassani isiginnaartartut nammineerluni videuliat torrannersaat taasissutigissallugu. Isiginnaartartut eqqugassaqaartinneqarput, eqqugassat pingaarnersaat tassaalluni angalanissaq DKK 20.000-inik naleqartoq. Ukiaanerani aallakaatitani aqqaneq-marluusuni SMS-it 191.204 nammineerlunilu videuliat 800 sinnerlugit KNR-ip tiguai.



SMS-ip 191.204 aallakaatitsinerni 12-ni 'Tallimangorneq Unnuppaat Man'-ip tiguai.

Timersornermik aallakaatitsinerit

KNR aamma timersornermik imaqarluartuuvoq, tassani nalunaaquttap akunneri 114-it TV-ikkut aallakaatinneqarlutik. Nuummi assammik arsaannermi pissartangorniunnerit, Sisimiuni Arctic Circle Race, Qeqertarsuarmi Avannaata Qimussersua, Qasigianguani isikkamik arsaalluni pissartangorniunnerit, Nuummi Danmarkip & Kalaallit Nunaata Futsalimik unammineri, PåskeSportsLørdag allallu aallakaatinneqarlutik.

KNR-ikkut katersuiniarnerit

Nuna tamakkerlugu katersuiniarnerisuit marluk KNR-ip aallakaatippai – tamaasa iluatsilluartumik. Neriuffiup nuna tamakkerlugu katersuiniarnerani katillugit DKK 2,5 mio. katersorneqarput aammalu Meeqqat ikiortigit/Red Barnet katersuiniarnerini katillugit DKK 1

mio. katersorneqarlutik. Katersuiniarnerit Nuuk Centerimit aamma GU-p inersuanit aallakaatinneqarput.

Kunngikkormiunik malinnaaneq

2015-imi aasaanerani Nunarput kunngikkormiunit tikeraarneqarpoq – tikeraarnerlu KNR-ip soorunami malinnaaffigaa sineriak malillugu aasaanerani angalaneq pillugu aallakaatitassianik kusanartunik inerneqartumik.

TV-kkut ilinniartitsineq

Ilisimatusarfimmi auditoriamit oqalugiarnert assigiinngitsut KNR-ip aallakaatippai. Nuna tamakkerlugu paasissutissiinissaq tassani siunertaavoq. Ilaatigut Sport og Motion, Hydrocarbon governance in the Marine arctic, Velsmag fra Havet allallu pillugit oqalugiarnert KNR-ip aallakaatippai.

Avataanit aallakaatitassiortunit pisiortornerit

Avataanit kalaallit aallakaatitassiortuunit illoqarfinnilu TV-qarfinnit TV-kkut aallakaatitassiat katillugit nal. ak. 140-ni aallakaatitsinerit 5,5 mio. kr. atorlugit TV-kkut aaqqissuisoqarfiup 2015-imi pisiarai.

KNR2

KNR2 atorlugu nal. akunnerpassuarni KNR aamma aallakaatitsivoq. Inatsisartut upernaakkut ukiakkullu katersuunnerinit aallakaatitsisarnerit saniatigut, Kommuneqarfik Sermersuumi kommunalbestyrelsip ataatsimiittarnerinit KNR aamma aallakaatitsisalerpoq.

Kommunalbestyrelsip ataatsimiittarnerisa aallakaatittarnissaat KNR-ip kommunit sisamaasut tamaasa neqeroorfigai, taamaalillunilu Kommuneqarfik Sermersooq siullulluni nalunaarluni.

Kommunit allat KNR2-mut siunissami attavilersinnissaat, KNR-ip neriutigaa, kommuninit sisamaasunit kommunalbestyrelsit ataatsimiittarnerinit nuna tamakkerlugu innuttaasut malinnaasinnaaniassammata.


Radiokkut Aaqqissuussisoqarfik

2015-imi KNR Radiumik malunnaatilimmik pisut ilaat tulliuttuni takussutissiorneqarput.

Aaqqissuisut aalajangersimasut

Aallakaatitassiat imaasa ingerlaavartuunissaat pitsaassuseqarnissaallu pilersinniarlugit aallakaatitassiat assigiinngitsut KNR Radio 2015-imi aalajangersimasunik aaqqissuisoqalersippai. Tamanna ingerlaavartumik suliassaavoq radiokkut aallakaatittakkat tusagassiornikkut qaffassarniarlugit paarisassaasoq ineriartortinneqarlunilu.

Aallakaatitassiat ilusiisa najoqqutassiornerini aaqqissuisunngortut annertuunik suliaqarput, tamassumalu 2015-imi aallakaatitassiat pitsaassusiisa qaffassarnissaannut tunngavilerpai 2016-imi siuarsaqqissinnaanngorlugit.



Radiokkut aallakaatitsisartoq Salomine Tobiassen Kultuuri-mit.

Kulturimik aallakaatitassiat

Kulturimik aallakaatitsisarnerit pioreersut saniatigut illoqarfinnit nunaqarfinnillu assigiinngitsunit aallakaatitassiat 20 immiunneri iluatsinneqarput. Taakkunani ilaatigut

Qullissanit Qeqertarsuarmiillu oqaluttuat, oqalualaat nalunaarusiallu nuannerluinnartut saqqummiunneqarput.

Nunaga Inuilu

Ullaakkut aallakaatitassiat nutaaq nuannarineqarluartorlu pilersinneqarpoq. Ullaakkut tusarnaagassiaq tusarnaaruminartoq, ullutsinnut naleqquttoq aliikkutaasinnaasorlu tusagassiortut marluk suliffimmillu misiliisup sivisuumik ilusilersorpaat tunngavilerlugulu. Ullaakkut aallakaatitassiami sinerissamit tamarmiusumit oqaluttuat ullutsinneersut, nuannersut qanilaartullu qitiutinneqarput.



Ullaakkut aallakaatitsivimmiittut eqeersimaartut Salome Hansen & Malinánguaq M. Mølgaard

Asaanerani radio

Nuannerineqarluartuq 'Aasap alianaannerani' aasaanerani radiukkut aallakaatinneqartarpoq. Sinerissamit tamarmiusumit aasaanerani oqaluttuanik pisunillu ullutsinneersunik aallakaatitassiami tusarnaartartut paasitinneqarluartarput. Aaqqissuisoqarfinni aalajangersimasuni qanoq sulisoqarnissaanut aallakaatitassiaq aamma kivitsissutaalluurtuuvoq.

Qinersineq innuttaasunillu qaammarsaaneq

2015-imi folketingimut qinersinermut KNR Radiup nukippassuit atorpai. Tamanna immikkoortorta qarfiit arlaqartut suleqatigiinnerisigut pivooq, qinersinissamut aallakaatitanik, oqallitsitsinernik minnerunngitsumillu qinersinerup unnuani aallakaatitsinernik tamanna inerineqarluni. Urani pillugu oqallinnermut atatillugu Narsami innuttaasut ataatsimiisinneqarnerat radiukkut aallakaatinneqarpoq.

Nipilersukkanut ilusiliineq nutaaq

Nipilersukkanut ilusiliineq nutaaq sulissutigineqarpoq, tassani nipilersorfiusinnaasoq soqutiginarpoq nuannersorlu pilersinniarneqarluni. Suliassaavoq annerusoq, nipilersuutit 120.000 sinnerlugit aaqqissukkami immikkoortitertussaammata. Suliaq 2016-imi ingerlateqqinneqassaaq.



KNR Radiumi teknikeri, Peter Biilmann

Aperiinnariit aallakaatinneqartarunnaarpoq

Aliikkutassiaralugu aallakaatitassiaq nuannarineqarluartoq 'Aperiinnariit' KNR Radiup aallakaatitarunnaarjaa. Aaqqissuisut, akissuteqartartut kiisalu tusarnaartartut aallakaatitassiamut aalajaallutik apeqquteqartartut KNR-ip annertuumik qujassutissaqarfigai. Taakku peqatigiillutik tusarnaartartut nalunaaquttap akunnerpassuini nuannisartippaat tusarnaarluartillugillu. Aallakaatitassiap unitsinnerata kingorna aallakaatitassiaq nutaaq aliikkutassiaanerusorlu inerisarneqarpoq, 'Aperiinnariit' aallakaatitarunnaarnerata kingorna aliikkutassaaleqinermik taarsiisussamik.

KNR Radiumi juulli

KNR Radio juullerpaluttunik aallakaatitassiarpassuarnik saqqummersitsivoq. Decembarip qaammataani KNR Radio juullerpaluttorpassuarnik tusarnaagassiorpoq. Ammartakkanit assigiinngitsunit "Juullimut ammagassat" nutaat 96-it meeqqat, inuusuttut inersimasullu tusarnaartartut decembarip 1.-nit 24.-nut tusarnaarsinnaavaat.



KNR Radiumi ammartagaq 'Serrat'.

Meeqqanut ammartagaq 'Serrat' radiukkut aallakaatinneqartarpoq, taannalu KNR suleqatigalugu Nunatta Isiginnaartitsisarfianit suliarineqarpoq. Tusarnaartartut inersimasut Nunatsinni ilagiit oqaluttuarisaaneriniq tusarnaartinneqarput tusarnaartartullu danskiusut Danmarks Radiomi P1-imi ammartagaq '3900 Nuuk' malinnaaffigisinnaallugu, tassani KNR Radio suliarinnittoqataalluni. Nipilersormik nuannarisaqartunut nipilersuutiniq juullerpaluttunik radio aamma aallakaatitsisarpoq.

Sinerissami tusaataatinik suleqateqarneq nukittunerusoq

2015-ip ingerlanerani illoqarfinni tusaataatit soqutigisaqatigiiffiat NTK KNR Radiup ingerlaavartumik ataatsimeeqatigisarpaa. Suleqatigiinnerup nukittorsarnissaa tassani siunertaavoq, tusarnaartartut sinerissamit aallakaatitassianik amerlanerusunik pitsaanerusunillu tusarnaagassaqarniassammata. Tamatuma saniatigut NTK-mi ilaasortanit aallakaatitassianik pisisarnermut atatillugu akit nutaat isumaqatiginninniutigineqarput.

KNR Voice

Kalaallisut aliikkusersuutit, hitlistit aammalu nipilersuutiniq aallakaatitassiat DJ-init nunarsuarmi tusaamaneqartunit suliarineqartut nal. akunneriniq 564,5-inik amerlanerusut KNR Voicep aallakaatipai. Nunatsinni tusarnaartartunik inuusuttunik KNR Voice tunaartaqarpoq.

KNR Voicep aningaasatigut tunngaveerummat matuneqarnissaa tunineqarnissaalu KNR-ip siulersuisuisa aalajangerpaat.



KNR Voice 2015-imi matuneqarpoq.

KNR Radio mobilikkut

Smartphonesinut App 2015-imi inerisarneqarpoq. Tamanna isumaqarpoq KNR Radio mobilikkut tusarnaarneqarsinnaangorneranik. KNR Radio, KNR Voice, kanali nipilersuutini 80 & 90-ikkornisanik aallakaatitsisoq, kanalillu sisamaat kalaallit nipilersuutaannaannik aallakaatitsisoq, App atorlugu tusarnaartartut tusarnaarsinnaavaat.

Nutaarsiassalerivik

Nutaarsiassalerivimmut 2015-imi qulequttat salliusut tassaapput nal. Akunneranut nutaarsiassat, oqallissarinermut najoqqutassaq nutaaq, Inatsisartunut qinersineq aammalu nutarterinerup ingerlateqqinnera.

Radioaviisi

2015-imi Radioaviisimut pingaarnertut anguniagaasoq tassaavoq nalunaaquttap akunneranut nutaarsiassat 2014-imi ukiukkut aallarnerneqartut eqqunneqarneri atuutilersinnerilu. Ulluinnarni tamani radioavisinit 11-nit 29-nut Radioaviisip 2015-imi aallakaatittalerpai (sivikitsumik aasaanera eqqaassanngikkaanni). Tamassuma saniatigut ukioq kaajallallugu nalliuttuni aamma akunnerit naanerini radioavisit marloriaatinngortinneqarput, tusarnaartartut taamaalillutik ulluni taakkunani ullormut radioavisit 4 tusarnaarsinnaavaat.

Ulluinnarni, akunnerit naanerini nalliuttunilu Radioaviisi knr.gl-imut salliulluni suliaqartartuuvoq. Nittartakkamut aaqqissuisoqarfimmi napparsimasoqaraangat, sulingiffeqartoqaraangat afspadseerertoqaraangat Radioaviisi aamma matussusiisarpog. KNR-ip oqallittarfimmik suliniuteqarfianut 'Qulaarpaa'-mut aammalu 2015-imi folketingimut qinersinermi qineqqusaarnernut allanullu tusagassiortunik Radioaviisi aamma pilersuisuuvoq.

Radioaviisimi sulisunut tamakku suliassaqaarnaqaat, qujanartumilli nutaatut unamminartunngortut tamakku sulisut tigulluarpaat. Tusagassiorneq qaffasissumik pitsaassusilik aammalu Kalaallit Nunaanni innuttaasunut siamasissumik qaammarsaaneq Radioaviisip 2015-imi tunniutaraa.

Qanorooq

2015-imi 'Qanorooq'-mut anguniagaasoq tassaavoq nutaaliaasumik aallakaatitassiaq saqqummiutissallugu, aallakaatitsivik nutaaq qarasaasiatigullu titartakkat/assit nutaat ilanngullugit.

Ulluinnarni tamani minutsini 20-ni aasaanerani aamma juullikkuni minutsini 10-ni 'Qanorooq' aallakaatinneqartarpoq. Siusinnerusukkut aasaanerani aamma juullikkuni matoqqasaraluarpoq. Tamatuma saniatigut aqqissuussisoqarfik 'Qulaarpaa'-mut, AWG-mik aallakaatitsinernut aammalu soorlu qinersinermi, urani pillugu aallakaatitassianut aammalu tallimannngornikkut aliikkutassianut allanullu tusagassiortoqartitsisarlungi teknikereqartitsisarlungi. Imaqarnerulersitsinerup saniatigut 2015-imi aqqissuisoqarfiup 'Qanorooq' nutaaliaasumik nutaarsiassaqaartitsiviunissaa aamma inerisarpaa. Nutaaliaasumik TV-kkut oqaluttualiorsinnaaneq suliat sorlaqarput, aamma Storytelling-imik taaneqartartoq. Storytellingimik suliaqarnermi ilaatigut assit amerlanerusut qitiutinneqarput, nipivinnik atuineq, qiortaanermi akunnilersuineq, tamakkulu malitsigisaannik tusagassiortoq teknikerilu qaninnerusumik suleqatigiittariaqarlutik. Aallakaatitsinerni toqqaannartut, grafikimut atortut nutaat kiisalu aallakaatitsiviup nutaap 2015-imi 'Qanorooq' siuartippaat.



'Qanorooq' nutaarsiassanik aallakaatitsivimmi nutaami tusagassiortoq Sivert Olsen tunuliaqutaralugu.

Knr.gl

Ullormut nutaarsiassat 10-nit 12 (video, allaaserisat, grafik) knr.gl-imi anguniagaapput, ajornangippallu amerlanerusut, annertunerusut allallu. Tamakku naammassineqarput sinnerlugillu. Nittartakkami videut assillu amerlanerusut, nunanit allanit nutaarsiassat, toqqaannartut allallu ukiup ingerlanerani knr.gl-ip pimoorullugit suliniutigai. Tamakku amerlanertigut iluatsinneqarput, ilaanneeriarlutilli killeqartarlutik aqqissuisut isumalluutissaasa annikitsuuneri pissutigalugu.

Oqallinnerit

'Qulaarpaa' tassaavoq KNR-ip 2015-imi oqallinnernik suliniutaa, tassanilu aqqissuisut arlalinnik pikkunartunik oqallitsitsipput. Sammineqartuni ilaatigut kinguaasiutitigut atonerluisarnerit, imminortarneq, aningaasanut inatsit aammalu aningaasatigut aqqissuusseqqinnerit, nutsernerit, urani allarpassuillu. Upernaakkut 'Qulaarpaa' ullut 14-ikkaarlugit aallakaatinneqartarpoq (folketingimut qinersinerup nalaaniunngitsoq) ukiakkullu qaammammut ataasiarlugu aallakaatinneqartarluni.



Suiaaqtiminoortarneq pillugu oqallinnermi 'Qulaarpaa'aallakaatinneqartoq.

'Qulaarpaa'-mi oqallittoqartinnagu tamatigut paasiniaasarnerit pisariaqartarput kingornalu sammisaq pillugu Radioaviisimut Qanoruumullu arlalinnik ilanngutassiortoqartarluni.

Paasisat, tunuliaqutaasut, ilanngutassiat oqaluttuarisallu KNR-ip nittartagaani katersorneqartarlutik, sammisallu tamarmik immikkut KNR1-ikkut toqqaannartumik nal. akunnerani oqallissutigineqartarlutik, siullermik kalaallisut kingornalu danskisut. Tassa oqallinnermi tusagassiissutit arlaqartut atorineqarput; TV, radio aammalu web. Tusagassioriaaseq pineqartumut aalajangiusimasoq isorinnittorlu atorineqarpoq, naalackersuinermit aammalu paquminartunut tunngasut sammineqarsinnaallutik.

Ilaatigut 'Qulaarpaa'-mut aaqqissuisoqarfiup pilersinnerani Nutaarsiassalerivik ukiumi ulapputeqarpoq. 'Qanorooq' aammattaq aasaanerani uniffeqarani ukioq kaajallallugu aallakaatinneqartarpoq taamatullu folketingimut qinersineq nukissanik immikkut pisariaqartitsilluni.



Folketingimut qinersinermi 2015 KNR-ip aallakaatitsivimmiittuutai imaannaanngitsut.


KNR-ip onlinekkut saqqumiffii – Web, Mobil aamma TTV

KNR-ip innuttaasunut neqeroorutai digitaliusut ilaasa takussutissaat tulliuuttuni allattugaapput.

KNR-ip Internettikkut saqqumiffigisai tassaapput:

- KNR.gl-ikkut nutaarsiassat tusagassiissutillu toqqortukkat
- Internetikkut nittartakkat qitiunerusut tassaapput:
 - YouTube.com/KNRgreenland, YouTube.com/nutaarsiassat, YouTube.com/meeqqanut
 - SoundCloud.com/KNRgreenland
 - Facebook.com/nutaarsiassat, kiisalu Facebook-ikkut nittartakkat
 - Twitter.com/nutaarsiassat
- Internetikkut toqqaannartut tassaapput knr.gl/tv/live, knr.gl/tv/live/knr2 kiisalu knr.gl/radio/live
- Tekst-tv, nutaarsiassat, aallakaatitassat takussutissaat il.il.
- Mobilinut kiffartuussivik SMS 1717
- KNR-ip intranetia (KNR-imi sulisunut)

KNRip nittartagaa – KNR.gl



KNR-ip nittartagaani takussutissaq – KNR.gl.

KNR-ip nittartagaata, KNR.gl-ip, atuisartuisa amerlassusii manna tikillugu ikileriarnikuunngillat. 2015-imi aamma taamaattoqanngilaq, atuisartut annerusumik minnerusumilluunniit amerliartuinnarput. KNR.gl-ip 2014-imi ukiakkut nutarternerata kingorna atuisartut malunnaatilimmik amerleriarput. 2015 tamakkerlugu atuisut tassaapput

607.106 (2014-imi 501.080). Uteqqittarnerit tassaapput 2.848.298 (2014-imi 2,5 mio. miss.) quppernerillu takutinneqartut tassaallutik 7.232.011 (2014-imi 6,2 mio. miss.) Ulluinnarni ullormut atuisartut agguaqatigiisillugit aalajaatsuupput tassaallutik 7-9.000.

KNR pillugu nutaarsiassat KNR pillugu Atorfiit Kalaallisut Dansk

KNR Kalaallit Nunaata Radioa Greenlandic Broadcasting Corporation

Nutaarsiassat Qulaarpaa Politikki Inuusutiss. Kulturi Timersorneq Nunat allat Sillassaq TV Radio Assiisvik

HANS JUKKU PEQATIGALUGU PIGGAPPAAT

PIGGAPPAAT Hans Jukku Noahsenimit!

Aallakaatitassiaq quiasaarinermik, aliikkusersuinermillu imaqarpoq inersimasunullu saaffignittuulluni. PIGGAPPAAT nammineq immikkut nipilersortartoqarpoq - PiggapBand, isersimasunik isiginnaartoqartarluni aammalu sapaait akunnerikkaartunik pulaartoqartassalluni. Pulaartut sammisanik Itisuumik tigunneriaaseqassanngillat inuaqatigiinnullu tunngasunik illisimaqartassapput.

TV

- > TV-p saqqaa
- > TV-kkut aallakaatitassat
- > Arctic Winter Games 2016 Nuuk
- > Sinerissamiit
- > Nunatsinnit
- > ILU?
- > Meeqqanut
- > Takanna
- > Qanoroq
- > Qulaarpaa
- > Qanoroq weekend
- > Timersorneq
- > Piggappaat
- > Tusartaat
- > Aallakaatitat tamarmik
- > Live TV
- > Youtubemiit soqutiginarlut
- > Inuusuttunut

Piggappaat Deluxe 31.12.2015

Piggappaat - KNR
Synes godt om 11 tusind Synes g

KNRip nittartagaa arlalinnik immikkoortoqarpoq. Aana nuannarineqarluartoq, knr.gl/piggappaat.

Mobilinut naleqqussaaneq

KNR.gl mobilit skærmiisa angissusiinut naleqqussartussanngorlugu aaqqissugaavoq. Aammattaq "mobile first" atornerarpoq, imatut paasillugu, qarasaasiap skærmianut aaqqissuussineq salliuungitsoq, mobilip skærmianut naleqqussaaneq salliuinneqarluni.



KNR.gl-ip mobilinut aaqqissugaaneral. Uani knr.gl/sinerissamiit,takuneqarsinnaavoq.




Timersornermut immikkoortoq qarasaasiamut TV-mullu – knr.gl/timersorneq | knr.gl/sport

Angallattakkanit atuisut 2015-imi amereriaput. Angallattakkanut aaqqissuussineq qulannangitsumik pissutaalluni, KNR.gl angallattakkanit iserfigineqartarnera qaffakkiartuinnarpoq. 2010-mi KNR.gl-ip angallattakkanik atuisui 2% inorpai. 2014-imi kisitsit taanna 30% pallillugit qaffariarpoq. 2015-imi atuisartut affaata tungaannut qaffapput, tassa 41,73%, qarasaasianik atuisut sanilliullugit tassaasut 58,27%.

1. desktop	1,659,750 (58.27%)
2. mobile	753,649 (26.46%)
3. tablet	434,899 (15.27%)

KNR.g-imik atuisartut agguataarneri.

Live streams (internettikkut toqqaannartut) aamma video on demand




KNR Radio live stream 2015-imi tusarnaartartui agguaqatigiisillugu qaammammut 6.610-upput (inuit ataasiakkaartut).

2014-imi novembarip naanerani 'aallakaatitsivik' nutarterneqarpoq qaammammilu siullermi (decembari 2014) atuisartut (inuit ataasiakkaat) tassaapput 7.993, 38.930-riarlutik uteqqittarlutik. Taakku 2015-imi decembarimi 8.074-inut amerleriaput 49.398-eriarlutik uteqqittarlutik.

Internettikkut atuneq qaammammut agguaqatigiisillugu tassaavoq 3.000 GigaByte.

Internettikkut Radiol live stream-imut.



Internetikkut radiomik atuinerit.

2015-imi internetikkut tv-mik isiginnaartarnerit tassaapput 49.982. Ilutigitillugu internetikkut toqqaannartumik TV-mut minutsit 1.044.744 aatorneqarput.

Toqqaannartumik atuisartut amerlanersaat tassaapput 2.130, piffissarlu agguaqatigiissillugu atuisumut tassaalluni minutsit 20 missaat. Takutitsinerit katinneri (toqqaannartumik aamma on demand) tassaapput 430.730, taakku sisamararterutaasa missaat imaluunniit 100.000 missaat tassaallutik inuit ataasiakkaat ukioq kaajallallugu atuisartut

YouTube-mi KNR-ip mainkanalinut ilasortaasutut nalunaarsorneqartut tassaapput 922. Atuisartut amerlanerit ilasortaanatik KNR toqqaannartumik isiginnaartarpaat.

Last year (Jan 1, 2015 – Dec 31, 2015)

Watch time

Minutes

1,044,744



Views


49,982



KNR live stream aamma on demand pillugit takussutissaq.

Radiokkut aallakaatitanik on demand toqqorsivimmit imaluunniit SoundCloud aamma Podcast imaluunniit toqqaannartumik 75.300-riarlugu tusarnaarneqarpoq. On demand atorlugu tusarnaarneqarnerpaaq tassaavoq Simonj Lyngep tusarnaartitsinera 4.010-riarlugu tusarnaarneqartoq tllinguullutik Niviaq Korneliussenimik apeqqarissaarinerit marluk 2.161-riarlugit aamma 1.627-riarlugit tusarnaarneqartut.

TV-iikkut aallakaatitsinerit on demand 380.748-riarlugit isiginnaarneqarput. Videot minutsini katillugit 4.273.158-ini (ukiut 8 ullullu 45) isiginnaarneqarput. Videonik isiginnaartartut nunanut agguataarlugit Danmarkimit 58 %, Kalaallit Nunaannit 36 % sinneruttullu 6% tassaanerullutik USA-mit aamma nunanit avannarlernit. Assersuutigalugu USA-mit on demand isiginnaartartut 1,2 %-iusut tassaapput 5.417-riarlutik isiginnaartut imaluunniit minutsinngorlugit 61.759.



VOD (video on demand) nunanut agguataarnerata takussutissaa.

KNR TTV (tekst-tv)

KNR tekst-tv aqqissuunneranut atortut pitsanngorsarniarlugit suliniut 2015-imi aallartinneqarpoq. Siunertaasoq tassaavoq tusagassiortut suleriaasiisa oqilisarnissaat taamaaliornikkullu isiginnaartartunut iluaqutaasumik tekst-tv-mi qupperit tamakkiisumik atorluarniarlugit.


2015-imi Epinionip atuisartunik misissuina malillugu, isiginnaartartut 35%-iisa tekst-tv ullut tamaasa imaluunniit ullut tamangajaasa atortarpaat, 28% atunngisaannaraat.

KNR SMS 1717

KNR-ip mobilinut kiffartuussivia TV-iikkut toqqaannartumik taasinernut salliusumik atorneqartarpoq, KNR-imut atassuteqarnermut minnerusumik atorneqartarluni, soorlu nutaarsiassanik ilisimatitsisarnermi. 2015-imi sms-it katillugit 300.663 tiguneqarput, taakkunannga 259.807 TV-iikkut toqqaannartumik aallakaatitsinernut atorneqarlutik.

KNR.gl-imi kiffartuussinerit allarpasuit

KNR-ip nittartagaani kiffartuussinerit takusassallu assigiinngitsorpassuupput. Tassaallutik silassamik ilimasaarutinit aallakaatitassanik immikkoortunillu takussutissat aamma assit – ilaannanngui taaniarlugit. Assersuutigalugu KNR-ip assiutaanut asserpassuit nassiunneqartarput.



KNR.gl/assiivik – KNR.gl/billedgalleri

Public Service-mik isumaqatigiissutip nanginnera

Radiokkut TV-iikkullu nal. akunnerini aallakaatitsinerit suunerinut agguataarlugit tulliuuttuni takuneqarsinnaapput.

Radio

Kal. Nunaanni allanit aallakaaatitassiat	Isumaqatigiissut 2015	Piviusut	Nikinga
(suuneri tamakkerlugit)	300	84	-216

KNR namm. suliai TV	Isumaq. 2015	Piviusut	Nikinga
Meeqqanut inuusuttunullu	154	151	-3
eqqumiitsuliorneq kultutulu	1406	979	-427
Nutaarsiassat *)	487	1111	624
Ilinniartitsineq	18	24	6
Peqqinneq	21	9	-12
Nal. ak. katillugit	2086	2274	188

*) Taakkunannga Timersorneq **103**

Radio, Inatsisartut toqqaannartumik:

226

TV

Kal. Nunaanni allanit aallakaatitassiat	Isumaqatigiissut 2015	Piviusut	Nikinga
(tamakkerlugit)	18	140	122

KNR namm suliai TV	Isumaq. 2015	Piviusut	Nikinga
Meeqqanut inuusuttunullu	38	251	213
Eqqumiitsuliorneq kulturilu	73	100	27
Nutaarsiassat *)	120	373	253
Ilinniartitsineq	8	8	0
Peqqinneq	19	1	-18
Nal. ak. katillugit	258	732	474

*) Taakkunannga Timersorneq **114**

KNR2, Inatsisartut
toqqaannartumik: 340

Ilanngussat

KNR-ip ukiumoortumik naatsorsuutai kiisalu 2015-imi isiginnaartarunik tusarnaartartunillu misissuineq ilanngussaut ilanngunneqarput.